

Něhdy hórka štunda bije,  
 Kiž nas džěli, rozwjedže,  
 Něhdy wóčko sylzu lije,  
 Klinči zrudne božemje.

Něhdy dyrbimy so nam'kać,  
 Swjećić zasowidženje,  
 Nihdy njemóže wšak hasnyć  
 Płomjo swěrnej' lubosće.

(3./4. 1856.)



### Młodźenc a šědźiwc.\*

Młodźenc:

**N** radosću do žiwjenja  
 Moja noha stupa,  
 Kaž so w slónčku lilija  
 Narodny dzeń kupa;  
 Kukuk, kukuk kokula,  
 Młode to chce do swěta!

Šědźiwc:

Na dróhu młodych stupić lět  
 Mi wjesela wjac' njeda,  
 Sym našoľ so přez tutón swět,  
 Kiž droho radosć předa  
 Za prócu, strach a starosće;  
 Te leža přewinjene  
 Mi za khribjetom nětko wšě  
 A z Bohom wotložene.

\* To je přěni wudžělk 5. a 6. spěwa přenjeje džělby „Podlěća“  
 (hl. II. zwjazk, str. 55 sl.), kaž je wočišćany w Časopisu M. S. 1858,  
 str. 22 sl.